

三  
國  
會  
要

三國會要卷十一

禮

吉禮

郊丘明堂

告祭靈臺

五郊辟雍

六宗社稷

朝旦夕月高禩

岳瀆禋祀

大雩宗廟

雜錄

祖臘

魏國初建王粲衛覬竝典制度創集朝儀

覬傳後至咸

熙荀顗定禮儀裴秀議官制

晉書南齊書禮志有魚豢王沈陳壽孫盛皆

咨鄭冲然後施行

世說新語注

蜀則孟光許慈

光傳云長于漢家舊

典與許慈等竝掌制度慈傳云祖宗制度之儀喪紀五服之數皆指掌畫地舉手可采胡潛竝為博士與

孟光來敏等典掌舊文

草建眾典吳則丁孚拾遺漢事鄭礼張

昭孫邵共定朝儀

昭傳注引吳錄有滕胤而礼字作禮疑禮之譌

闕澤制行

出入及見賓儀

本傳

大氏皆承漢舊而閒有損益今雖

殘闕綜攬羣書因革之迹猶可攷知較之郝氏據兩

漢志泛論古今者爲翔實爾

隋書經籍志有魏臺雜訪議高堂隆撰又漢魏

吳蜀舊事八卷並佚

郊

唐志魏氏郊丘三卷無姓名按隋志郊丘議三卷魏太尉蔣濟撰

魏文帝黃初二年正月郊祀天地

先是文帝南征爲壇于繁陽庚午登壇受紱降壇視

燎成禮未有祖配

通典藝文類聚引受命述云既踐帝位納璽要紱太常司燎升炮

類告

獻帝傳曰辛未魏王受禪燎祭天地五岳四瀆曰皇

帝臣不敢用玄牡昭告于皇皇后帝按受禪碑亦作辛未

明帝太和元年正月丁未郊祀武皇帝以配天

通典明帝詔曰每祀天輒以地配

通考蘇軾言按水經注伊水東北至洛陽縣圜丘東

大魏郊天之所準漢故事為圜丘壇八階中又為重

壇天地位其上此魏氏合祭天地之明驗也按續漢志建武

二年初制郊兆于洛陽城南七里為圜壇八陛中又

為重壇天地位其上皆南向其外壇上為五帝位其

外為壝重營皆紫以象紫宮軾言據此

景初元年十月乙卯營洛陽南委粟山爲園丘十二月  
壬子冬至始祀

明帝詔曰曹氏世系出自有虞今祀園丘以始祖帝舜  
配號園丘曰皇皇帝天天郊所祭曰皇天之神以太祖  
武皇帝配祝稱嗣皇帝

魏承後漢正月祭天以地配高堂隆等以爲禮祭天  
不以地配而稱周禮三王之郊一用夏正

宋志

蔣濟謂魏非舜後而橫祀非族降黜太祖不正配天

本傳

魚叅議昔后稷以功配天漢出自堯不以堯配天明  
不紹也且舜已越數代武皇肇建洪業宜以配天

通典

魏郊天值雨更用後辛使三公行事

通典

宋志高堂隆云九日南郊十日北郊是爲北郊可不

以辛也南齊書志云漢魏以來或丁或巳而用辛常

多其從祀則風伯雨師宜皆如漢

通典引東晉云風伯雨師之名漢魏

有已

自正始以後不復郊祀

通典

多使三公行事乘輿罕出

宋志

方丘所祭曰皇皇后地以舜妃伊氏配地郊所祭曰皇  
地之祇以武宣皇后配

時高堂隆表云古來娥英姜嫄盛德之妃未有配食  
于郊者也漢文初祭地祇于渭陽以高帝配孝武立  
后土于汾陰亦以高帝配唯王莽引周禮享先妣爲  
配地郊夏至以高后配地自此始也臣謂宜依古典  
以武皇配天地魚豢議曰宜以宣后配地

通典

五岳四望四瀆五湖諸山從祀

通典

牲用白

詔天地至尊皆宜用白景初元年詔曰祭皇  
皇帝天皇皇后地天地郊明堂宗廟皆用白

別祭五郊各隨方色祭日月星辰之類用駢社稷山川之屬用玄

房俎生魚陶樽元酒

晉志

天地五郊稱天子臣某

通考明帝詔

祀用衮服

通考王祀昊天服大裘自魏以來皆用衮服隸釋引受禪碑云冠通天襲衮龍

樂舞

通典趙怡議古無四懸自周始耳未有作古樂而用近懸也案今天地之樂懸謂之上下管與

虞舜

笙鏞同不言二懸宜如故事但設上下管而已

左延年議祀天地宜用宮懸王肅議宜設宮懸之樂

八佾之舞繆襲議漢有雲翹育命之舞舊以祀天今

可兼以雲翹祀園丘兼以育命祀方澤宋志續漢志

文帝黃初四年七月乙未大軍當出使太常以特牛一

告祠于郊

裴注魏郊祀奏中尚書盧毓議祀厲殃事云其犧牲祭器如前後師出告郊之禮是魏氏



出師皆告祭也

及文帝崩太尉盧毓告諡南郊

晉書 通典尚書奏云秦靜議

當遣兼太尉告祠以武皇帝從五精以上六座餘眾神皆不設牲用如郊祭

尚書薛悌奏上靈命瑞圖博士秦靜議告祀天皇帝

五精帝于洛陽祀南郊所王肅議以地配天從之

通典魏

書泰始二年始并圜丘方丘二至之祀于南北郊從肅說也按晉志云宣帝用王肅議并祀恐不始于泰始

蜀郊

蜀漢章武元年卽位設壇于成都武擔之南文曰皇帝

備敢用玄牡昭告皇天上帝后土神祇

裴注武擔山名在成都西北蓋

以乾位西北故就之以卽阼

二年詔丞相亮營南北郊于成都

### 吳郊

吳孫權初稱尊號于武昌祭南郊告天用玄牡

吳錄載告天文

曰皇帝臣權敢用玄牡昭告于皇皇后帝後自以居非土中不修設

嘉禾元年注引

江表傳末年南郊追上父堅尊號爲吳始祖以配天後王

嗣位終吳代不郊祀

宋志權始都武昌及建業不立郊兆至太元元年祭

南郊其地今秣陵縣南十餘里郊中是也何承天曰

權末年雖一南郊遂無北郊之禮環氏吳紀權思嚴

父配天之義上父堅尊號爲吳始祖以配天也

五郊

漢明帝據月令有五郊迎氣服色之禮因采元始中故事兆五郊于洛陽祭其帝與神車服各順方色魏依之宋志按續漢志云于洛陽四方中兆在未壇皆三尺皆無等王朗傳言天地埽地而祭其餘則皆壇而埽之七郊雖尊貴尙質而猶有門宇便坐足以避風雨

皇覽曰迎禮春夏秋冬之樂又順天道是故距冬至

四十六日天子迎春于東堂距邦八里堂高八尺堂

階三等

六藝流別引尙書大傳作八等

青稅八乘旗旄尙青田車載

矛號曰助天生唱之以角舞之以羽翟自春分數四十六日迎夏于南堂距邦七里堂高七尺堂階二等

六藝流別作七等

赤稅七乘旗旄尙赤田車載戟號曰助天

養唱之以徵舞以鼓鞀自夏至數四十六日迎秋于西堂距邦九里堂高九尺堂階九等白稅九乘旗旄尙白田車載兵號曰助天收唱之以商舞以干戚自秋分數四十六日迎冬于北堂距邦六里堂高六尺堂階六等黑稅六乘旗旄尙黑田車載鐵鍪號曰助天誅唱之以羽舞以干戈

續漢志注

六宗

漢安帝立六宗祀于雒陽西北戌亥地魏因之

通考魏名臣奏

五帝六宗因前代之兆域明帝立六宗祀六子之卦

晉書王莽以易六子立六宗祀

魏明帝問王肅亦以為然故不廢

景初二年改祀太極中和之氣

通典劉

劭以為萬物負陰而抱陽中氣以為和六宗者太極中

和之氣為六氣之宗者也時從其議

朝日夕月

黃初二年正月乙亥朝日于東郊

錢泰吉云劉義叟推正月壬申朔乙亥為

四日也裴注疑是二月以四分術推之二月十五日春分乙卯非乙亥晉書隋志以正月朔日為非文帝雖有

春分之詔  
實未施行

漢武帝郊泰畤平旦出竹宮東向揖日其夕西向揖  
月卽用郊日又不用東西郊後遂旦夕常拜文帝詔  
曰漢氏不拜日于東郊而旦夕常于殿下東西拜日  
月煩褻似家人之事非事天交神之道也于是朝日  
東門之外將祭必先夕牲其儀如郊續漢志注祕書監薛  
靖論云按周禮朝日無常日鄭玄云用二分故遂施  
行秋分之時月多東升西向拜之背實遠矣朝日宜  
用仲春之朔夕月宜用仲秋之朏洎于睿駁之引禮

記云祭日于東祭月于西以端其位周禮秋分夕月  
竝行于上代西向拜月雖如背實亦猶月在天而祭  
之于坎不復言背也

南齊書  
通典

太和元年二月丁亥朝日于東郊八月

晉書宋志  
有己丑字

夕月

于西郊

吳時亦行此禮郎陳融奏東郊頌

宋志

明堂 靈臺 辟雍

黃初二年春正月郊祀明堂

輶虞曰漢魏故事明堂祀  
五帝之神隋志王肅明堂

議三  
卷

宋志是時魏都洛京而神祇兆域明堂靈臺皆用漢舊事晉書鄭袤傳言高貴鄉公議立明堂辟雍然未  
改作

太和元年春正月宗祀文皇帝于明堂以配上帝

文帝卽位用漢明堂而未有配明帝始宗祀文帝于

明堂齊王亦行其禮晉書祝稱天子臣某通典

隋書宇文愷傳自晉以前圓牆壁水一依本圖唐會要陳正節言魏晉迄梁雖規制或殊而所居之地常  
在景

太和初太史令許芝奏日應蝕與太尉于靈臺祈禳宋志



正始二年二月使太常以太牢祭孔子于辟雍五年六年亦如之

戴延之西征記洛城南有平昌門道東有辟雍壇去靈臺三里俱魏武所立

### 社稷

魏但太社有稷而官社無稷故常二社一稷至明帝景

初中立帝社

續漢志注孔晃謂漢及魏皆立一社一稷至景初時更立太社太稷又特立帝社

祭社但稱皇帝

王肅議太尉等祭祀但稱名不稱臣有事須告皆遣祝史通典南齊書禮志

魏世秦靜使社稷別營稱自漢以來相承南向何佟之議魏權漢社稷同營共門稷壇在社壇北後移

宮南自當曹植社頌云於惟太社官名后土是曰  
句龍功著上古德配帝王實爲靈主克明播植農正  
日柱尊以作稷豐年是  
與義與社同方神北宇

吳時宮東門雩門疑吳社亦在宮東與其廟同所

宋志

靈星秦靜議風伯雨師靈星先農社稷爲國六神

唐書禮樂

志

### 高禰

高禰壇石主 晉元康六年禰壇石中破爲二博士未

知所由後得高堂隆故事魏青龍中造立此石

隋志

王朗奏言天地及五帝六宗宗廟社稷旣因前代之

兆域天地則埽地而祭其餘皆壇而埒之明堂所以  
祀上帝靈臺所以觀天文辟雍所以修禮樂太學所  
以集儒林高祿所以祈休祥舊皆在國之陽並高棟  
夏宇足以肆饗射望雲物七郊雖尙質皆有門宇便  
坐足以避風雨

宋志高堂隆云九日南郊十日北郊  
十一日明堂十二日宗廟是祭祀之

次第也

### 五祀

魏武興復舊祀祭門戶井竈中霤凡五祀

御覽引魏名臣奏秦靜

議祭法七祀有國行今月令謂行爲井是以俗廢行祀  
井武帝造祭門戶井竈中霤文帝稱詔按諸祠祀所以

尊敬神靈不宜稱詔高堂隆議國行中雷門戶竈多不  
編故曰祭五祀在于廟今每門戶輒祭自漢以來非舊  
典也祭井自漢從水類  
不列五祀宜除井祀行

### 嶽瀆

黃初二年六月初祀五嶽四瀆咸秩羣祀瘞沈珪壁六  
年七月帝以舟軍入淮九月壬戌遣使者沈璧于淮太  
和四年八月東巡遣使者以特牛祠中嶽咸熙元年行  
幸長安使使者以璧幣祀華山  
晉書宋志何晏景福  
殿賦歲三月東巡狩至  
于許昌望祠山川  
注云太和六年

### 大雩

青龍五年三月辛巳大雩

舊制求雨太常禱天地宗廟社稷山川已賽如其常祭  
牢禮四月立夏旱乃求雨立秋雖旱不禱求雨到七月  
畢賽之秋冬春三時不求雨

御覽引魚  
叅典略

祀厲

祀厲具犧牲祭器如師出告郊之禮

注引郊  
祀奏

王肅云厲殃漢之淫祠日月有常位五帝有常典師  
曠自是樂祖無事于厲殃厲殃同人非禮器雄黃等  
非禮飾  
通典

祖臘

漢以季冬之月星回歲終陰陽以交勞農大享臘魏因之高堂隆議王者各以其行之盛而祖以其終而臘水始于申盛于子終于辰故水行之君以子祖以辰臘火始于寅盛于午終于戌故火行之君以午祖以戌臘木始于亥盛于卯終于未故木行之君以卯祖以未臘金始于巳盛于酉終于丑故金行之君以酉祖以丑臘土始于未盛于戌終于辰故土行之君以戌祖以辰臘今魏得土而王宜以戌祖辰臘秦靜議古禮歲終聚合百物祭宗廟謂之禘皆有常日臨時造請而用之又無正

月祖祭之禮

續漢志引略同

漢用午祖戌臘午者南方之象故

以午祖正月爲歲首故以寅始用午祖戌者歲之終萬

物畢成故以戌臘小數之學因就附著五行以爲說非

典籍經義之文也尙書易經說五行水火金木土王相

衍天地陰陽之義故易曰坤爲土土位西南黃精之君

盛德在未故大魏以未祖戌者歲終月窮之辰不宜以

爲歲初祖祭之行始也易曰坤利西南得朋東北喪朋

丑者土之終故以丑臘終而復始乃終有慶宜如前以

未祖丑臘奏可

通典按御覽引魏名臣奏董遇議曰土行之君故宜以未祖丑臘爲得盛終

之節不可戌祖辰臘王肅議禮曰季冬大雩旁磔鷄  
出土牛以送寒氣卽今之臘除逐疫磔鷄葦絞桃梗之  
屬初學記引稽含祖道賦序漢用丙午魏用丁未宋  
志同藝文類聚引文帝荅繁欽書戊午祖于北園是魏  
初承漢制也

孫權推五德之運以爲土行用未祖辰臘江表傳虞

以辰臘得其數矣土盛于戌而以未祖其義非也土生  
于未祖用其盛今用其始豈應運乎薛綜傳正月乙未  
權勅綜祝祖不得用常文復使滿三綜再祝薛令皆新  
丁奉傳云臘會有陛下兵後孫休竟以戊辰臘會誅緝

### 禳祈

歲旦常設葦茭桃梗磔鷄於宮及百寺之門以禳惡氣  
按漢儀則仲夏設之有桃卯無磔雞及魏明帝大修禳



禮故何晏禳祭議雞牲供禳釁之事磔雞宜起於魏桃

卯本漢制所以輔卯金魏所除也

按續漢志桃印長六寸方三寸書文如法

以施門戶御覽引董勛荅問云有煙火桃人松柏桃人鬼所惡畫作人首是魏除桃印用桃人但未詳

改仲夏在歲旦之所起耳

晉志

魏宗廟

文昭廟告祭

禘祫

時享

薦新

配享

建安十八年曹操爲魏公始建宗廟于鄴二十一年二月甲午春祠令曰議者以爲祠廟上殿當解履吾受錫命帶劍不解履今有事于廟而解履上殿是尊先公而替王命也又臨祭就洗以手擬水而不盥夫盥以潔爲

敬故吾親受水而盥也又降神禮訖下階就幕而立須奏樂畢竟若似不衍烈祖遲祭不速訖也故吾坐俟樂闕送神乃起也受胙納袖以授侍中此爲恭敬不終實也古者親執祭事故吾親納于袖終抱而歸也

魏書

文

帝受禪追尊祖

嵩

曰太皇帝考曰武皇帝黃初二年六

月以洛京宗廟未成乃祠武皇帝于建始殿親饋奠如

家人禮四年有司奏立二廟乃立太皇帝廟大長秋

騰

與高祖

節

合祭親盡以次毀特立武皇帝廟四時享祀

爲魏太祖百世不毀明帝太和三年追尊大長秋爲高

皇帝夫人吳氏曰高皇后冬十一月洛京廟成使太常

持節迎高皇帝太皇帝武帝文帝神主于鄴

裴注此無高祖神主

蓋以親盡毀則惟立親廟祀四室而已按唐會要云明帝遷處士主置于園邑歲時令丞奉薦世近故也宋朝

事實載司馬光語略同

景初元年有司奏定七廟之制曰武皇帝

撥亂反正爲魏太祖樂用武始之舞文皇帝應天受命

爲魏高祖樂用咸熙之舞帝制作興治爲魏烈祖樂用

章武之舞三祖之廟萬世不毀其餘四廟親盡迭毀如

周后稷文武廟祧之制

於太祖廟北爲二祧左爲文帝廟號曰高祖昭祧其右擬明帝

號曰烈祖穆祧時尚在四親廟蓋虛定之宋傅休之議漢初帝各異廟自明帝以來同堂異室魏晉依之

太和元年立文昭皇后寢廟于鄴

文帝甄后賜死不入廟明帝即位追諡故

別立廟

景初元年立廟京師有司奏文昭廟世世享祀樂

舞與祖廟同依周姜嫄廟禘祫

通考引古今禮要云甄后廟及寢依姜嫄廟四

時及禘皆與諸廟同按通典高堂隆議也

魏以武帝爲太祖至明帝始三帝未有毀主而行禘祫

冊府魏晉禘禮奉二主出同禘享與太祖並列昭穆而虛東向位通考漢魏暴興其上世微故創國之君爲太祖毀廟之主皆不合食虞喜曰魏議者云毀主應埋兩階之間韓愈禘祫議自魏晉以降始有毀瘞之議

宗廟三歲大祫每太牢分之左辨上帝右辨上帝后

初學記引

魚豢

五年一禘

通考引聶崇義曰明帝以景初三年正典略月崩至五年二月祫祭明年又禘自茲

以後五  
年爲常

自太和四年相承殷祭皆用冬夏

通考唐會要  
云漢魏祫祀

皆在  
十月

魏武皇后太和四年六月崩至六年三月有司以今年  
四月禘告王肅議曰今宜以崩年數按春秋魯閔公二  
年夏禘于莊公是時衰經之中至二十五月大祥便禘  
不復禫故譏其速也去四年六月武宣皇后崩二十六  
日旣葬除服卽吉四時之祭皆親行事今當計始除服  
日數當如禮須到禫月乃禘趙怡等以爲皇帝崩二十  
七月之後乃得祫禘肅又奏曰如鄭玄言各於其廟不

得謂之殷祭殷者以祖宗竝陳昭穆皆列故也近尙書  
難臣以曾子問唯祫于太廟羣主皆從而不言禘知禘  
不合食臣荅以爲禘祫殷祭羣主皆合舉祫則禘可知  
光武時言祭禮以禘者毀廟之主皆合于太祖祫者唯  
未毀之主合而已鄭以爲禘者各於其廟原其所以夏  
商夏祭曰禘其殷祭亦名大禘至周改夏祭曰祫以禘  
爲殷祭之名周公以聖德用殷之禮故魯人亦遂以禘  
爲夏祭之名是以左傳謂禘于武宮又曰烝嘗禘于廟  
是四時祀非祭之禘也至經所謂禘則殷祭之謂鄭據

春秋與大義乖

通典崔亮云王肅以為既除即吉故特時祭至于禘祫宜存古禮高堂隆如

肅議于是

明帝以景初三年正月崩至正始二年積二

十五晦為大祥有司以為禪在二十七月到其年四月

依禮應祫王肅以為禪在祥月至其年二月應祫祭

魏書

禮志

春祀夏禘秋嘗冬烝

繆襲祭儀一歲五祠常用仲月高堂隆議平原公主薨二月春祀不

宜闕祭

曹植誄曰元侯助祭獻璧奉璋

太和六年四月甲子初進新果于廟

按王肅傳此議蓋自肅發之

高堂隆云按舊典天子諸侯月有祭事其孟則四時

之祭也三牲黍稷時物咸備其仲月季月皆薦新之祭也大夫以上將之以羔或加以犬而已不備三牲也士以豚庶人則唯其時宜魚雁可也皆有黍稷禮器曰羔豚而祭百官皆足太牢而祭不必有餘羔豚則薦新之禮太牢則時祭之禮詩云四之日其蚤獻羔祭韭周之四月夏之二月也月令仲春天子乃獻羔開冰季春之月天子始乘舟薦鮪仲夏之月天子乃嘗魚咸薦之寢廟此則仲春季月薦新之禮也

通典

青龍

正始六年十一月祫祭太祖始祀佐命臣二十一人



元年詔祀夏侯惇曹仁程昱于太祖廟庭正始四年詔祀曹真曹休夏侯尚桓階陳羣鍾繇張郃徐晃張遼樂進華歆王朗曹洪夏侯淵朱靈文聘臧霸李典龐德典韋五年詔祀荀攸景元三年詔祀郭嘉裴松之曰不及荀或以末年異議又位非魏臣故也許楮功烈有過典韋祀韋不及楮所未達也

嘉平三年有司奏諸功臣應饗食于太祖廟者更以官爲次太傅司馬宣王功高爵尊最在上

高堂隆曰按先典祭祀之禮皆依生前尊卑之秩以爲位次功臣配享于先王象生前侍燕禮大夫以上皆升堂以下則位于庭其餘則與君同牢至于俎豆薦羞唯君備矣公降于君大夫降于公士降于大

夫使功臣配食于烝祭所以尊其德明其勛以勸嗣

臣也議者欲從漢氏祭之于庭此爲貶損周志曰勇

則害上不登于明堂此在堂之明審也貴者取貴骨

賤者取賤骨

凡牲體前貴後賤

今使配食者因君之牢以貴

賤爲俎庶合事宜君禮大夫三獻太祝令進三爵可

也

通典陳留王禪晉石苞曰主遷廟臣宜從享魏功臣宜歸之陳留國使修常祀見通考

延康元年四月饒安縣言白雉見太常以太牢祠宗廟

太和元年四月洛邑初營宗廟掘地得玉璽方一寸九

分其文曰天子羨思慈親明帝爲之改容以太牢告廟

六年長安得玉印詔因祭祀奠于文思皇后神座高堂  
隆議往得瑞璽以告宗廟而奠于親廟于是遣官用脯  
醢酒告于列廟及文思皇后寢室通典載秦靜文曰孝  
孫皇帝諱使太尉臣  
某以靈命瑞圖冊告于天郊事訖將納冊于石函謹使  
太常臣某帥有司以脯醢旨酒敢昭告于皇祖武皇帝  
以武皇后卞氏配尚饗通考晉賀循曰魏唯一廟一  
廟中苟在未毀恐有不得偏有不告然又不詳太廟定  
議不敢  
必據也

嘉平六年司馬景王謀廢帝以聞皇太后使兼太尉高  
柔奉策用一元大武告于宗廟遣芳歸藩于齊

雜錄

廟主

通典或問高堂隆曰馮君章句說正廟之主各藏太室西壁之中遷廟之主于太祖太室北壁之中

按逸禮藏主似在堂上壁中荅曰章句但言太祖北壁中不別堂室愚意以堂上無藏主處當室中也

魏故事天子爲次殿于廟殿之東北天子入自北門

輦

曰凡適尊以不顯爲恭以由隱爲順設于上位入自南門非謙厭之義宜定新禮如舊

太和四年詔太傅三公以文帝典論刻石立于廟門外

景初元有司奏文昭廟世世享祀與七廟議竝勒金

策藏之金匱

臨淄侯植欲祭先王于河上博士鹿優等以爲庶子不

得祭宗廟詔答之

文帝集

尙書訪高皇主遷宜復諱否王肅曰太祖以上去墀乃不諱諱三祖以下盡親如禮

### 蜀宗廟

章武元年立宗廟祫祭高皇帝以下

裴松之曰先主雖云出自景帝而世數悠遠昭穆難明既紹漢祚不知以何帝爲元祖以立親廟于時英賢作輔儒生在官宗廟制度必有憲章而載記闕略良可恨哉

按後主出降北地王諶哭于昭烈之廟則先主蓋別立廟 譙周禮祭集志天子之廟始祖及高曾祖考皆月朔加薦以象平生朔食也謂之月祭二祧之廟

無月祭凡五穀成熟珍物新成天子以薦宗廟其月

朔及臘薦新皆奠無尸故羣廟皆一朝之間盡畢

通考

又曰四時祭告各于其廟中神位奧西牆下東向諸  
侯廟木主在尸之南爲在尸上也東向以南爲上

通典

### 吳宗廟

孫亮五鳳二年作太廟

孫權不立太廟以父堅嘗爲長沙太守於臨湘縣立堅

廟依後漢奉南頓故事令太守奉祠後又尊堅廟曰始

祖

追謚武烈皇帝

又以吳芮冢材爲屋未之前聞也於建業立

兄長沙桓王廟權疾令太子禱焉子亮立明年於宮東立權廟曰太祖廟既不在宮南又無昭穆之序孫皓元興元年追謚父和曰文皇帝改葬明陵吳興郡守四時奉祠有司奏宜立廟京邑寶鼎二年營立寢堂號曰清廟十二月以靈輿法駕迎神主于明陵使丞相奉三牲祭于近郊皓于金城外露宿明日望拜于東門外翌日拜廟薦祭比七日三祭倡技晝夜娛樂有司奏言祭不欲數數則黷宜以禮斷情然後止

吳錄舊拜廟選兼大將軍領三千兵爲衛

三國會要卷十二

禮 凶禮

魏武王以禮送終之制襲稱之數繇而無益俗又過之  
先自制送終衣服四篋題識其上春秋冬夏曰有不諱  
隨時以歛金珥珠玉銅鐵之物一不得送

晉志  
宋志

建安二十三年爲壽陵因高爲基不封不樹

黃初三年文帝作終制曰禮國君卽位爲梓存不忘亡  
也壽陵因山爲體無爲封樹無立寢殿造園邑通神道  
其皇后及貴人以下不隨王之國者終沒皆葬澗西前



以表其處矣

薛收元經傳曰漢故事陵上祭殿至魏以爲古不墓祭自有廟設于是園邑寢殿遂

廢通鑑唐嚴善思言漢諸陵皇后多不合葬魏晉始有合者開元禮亦云

七年五月丁巳帝崩于嘉德殿殯于崇華前殿六月戊

寅葬首陽陵以終制從事

飯含無以珠玉無施珠襦玉匣

青龍三年正月丁巳皇太后崩三月庚寅葬文德郭后

營陵于首陽陵澗西如終制

魏書哀策曰惟青龍三年三月壬申皇太后梓宮啟

殯將葬于首陽之西陵哀子皇帝叡親奉冊祖載遂

親遣奠扣心擗踊號咷仰訴痛靈魂之遷幸悲容車

之向路

太和四年改葬文昭甄后于朝陽陵

魏武帝遺令百官當臨殿中者十五舉音葬畢便除其將兵屯戍者皆不得離有司各率乃職

陸機引遺令曰吾僣忤伎人皆著銅爵臺於臺堂上施八尺牀總帳朝晡上脯糒之屬月朝十五輒向帳作伎吾厯官所得綬皆著藏中吾餘衣裘可別爲一藏

倚廬中施由縑帳蓐素牀以布巾裹由革鞞輦版輿

細犢車皆施縑裏

通考引晉有司奏云前代故事

魏禮官議奔喪禮有除喪而後歸者皆聽哭於陵又服

除始哭陵可服深衣白帟

通典後不悉注

曹植誄曰顧衰經以輕舉兮迫關防之我嬰是宗藩

不得奔喪也

國有大喪羣臣凶服以白爲綬囊以布爲劍衣

晉志云魏故事

文帝崩國內服三日

帝崩議謚者百五十人見北堂書鈔引何晏議謚表

明帝時毛皇后崩尙書奏武宣皇后崩未葬時稱太后

文德皇后崩侍中蘇林議皇后皆有謚宜稱大行詔稱

大行

明悼毛后崩銘旌或欲去姓而書魏或欲兩書司馬  
孚以爲尊稱皇后何待於魏彰以謚號何待於姓從  
之

晉書

明帝崩于建始殿

紀作嘉福殿

殯于九龍殿尙書訪曰當以

明皇帝謚告四祖祝文於高皇稱元孫之子云何王肅  
曰荀爽鄭玄皆云天子諸侯曾祖以上皆稱曾孫又訪  
按漢旣葬容衣還儒者以爲宜如文皇帝故事以存時  
所服肅曰禮無容衣今須容衣還而後虞祭宜依尸服

卒者上服之制以正服不以褻衣又訪容衣還羣臣故當在帳中常填衛見肅曰可見於門內拜訖入帳臨乃除服

將葬設吉凶鹵簿皆有鼓吹執紼者挽歌

晉志云漢魏故事大喪及

大臣之喪執紼者挽歌

既葬除服嗣君不復諒闇終制

晉書李含傳既葬而除既除而祔爰自漢魏迄

于聖晉唐書暢當傳后崩皇太子卒哭而除心喪三年云魏晉制

內外公私聲樂祭祠等既葬祔廟之後皆復其常

唐會要

明帝以景初三年正月崩至五年正月積二十五晦爲

大祥太常孔美博士趙怡以爲禫在二十七月散騎常

侍王肅博士樂詳等以爲禫在祥月

魏書

鄧哀王冲年十三亾太祖爲娉甄氏亾女與合葬

明帝愛女淑薨追封謚爲平原懿公主爲立廟取甄氏

亾從孫黃與合葬追封黃列侯以夫人郭氏從弟惠爲

之後承甄氏姓封惠爲平原侯襲公主爵朝夕哭高堂

隆議不應二月廢祠殯葬之間權廢事

楊阜傳文皇帝  
武宣皇后崩不

送葬平原公主  
葬南陵自臨送

甄后母薨帝制總服臨喪百僚陪位

太常韓暨奏天子降周爲外祖母無服尙書奏可臨  
畢御還寢明日反吉便膳趙咨奏哭敬侯夫人張帷  
幕端門外之左羣臣位如朝皇帝黑介幘進賢冠阜  
服十五舉聲則罷博士樂詳議周禮王弔弁經錫衰  
詔依周禮

王公之喪哭於東堂

魏書

大司馬曹真薨幸城東張帳哭

之大將軍夏侯惇薨素服幸城東門發哀

鍾繇卒帝

素服臨弔

陳羣母卒詔司空今遭母憂當遣使弔祭

王肅議臣有父母之喪訃君弔之弔諸臣之母當從夫

爵 蔣濟奏前會鎮軍朱鑠喪卿以下皆去冠以布巾  
帕額使者侍中散騎則不違禮意博士杜布議以爲亦  
宜去立冠代以布巾詔從之

鍾會遭所生母喪議者以爲公侯有夫人有世婦有妻  
有妾所謂外命婦也依春秋成風定姒之義宜崇典禮  
不得總稱妾名於是稱成侯命婦

延康元年南征親祠譙陵黃初三年詔曰古不墓祭皆  
設于廟先帝高陵殿皆毀壞車馬還廐衣服藏府遂革  
上陵禮及齊王在位九載始一謁高平陵

宋志其  
後遂廢



建安二十三年令公卿大臣列將有功者陪壽陵

甄后傳明帝卽位追謚文昭使司空王朗持節奉策以太牢告祠于陵

文帝受禪追加尊號刻金璽不敢開埏乃爲石室藏璽

埏首

宋志

征南將軍王基碑云奉策追位司空贈東武侯蜜印綬送以輕車介士

司徒韓暨薨特賜溫明祕器五時朝服玉具劍佩

蜀

章武三年先主遺詔百寮發哀滿三日除服到葬期復

如禮其郡國太守相都尉縣令長三日便除服五月梓

宮自永安還成都謚曰昭烈皇帝八月葬惠陵

徐乾學曰魏武

令葬畢便除臣民猶服二十七日

先主止令三日除服則又減矣

先主甘皇后卒葬于南郡章武二年追謚皇思夫人遷

葬于蜀未至而先主殂隕丞相亮言按謚法宜曰昭烈

皇后輒與太常臣賴恭等議與大行皇帝合葬臣請太

尉告宗廟布露天下具禮儀別奏制曰可

先主穆皇后

吳

延熙八年薨合葬惠陵

丞相亮卒後主素服發哀三日

華陽國志

景曜六年詔立廟

於沔陽

襄陽記曰所在各求立廟議以禮秩不聽因近其墓立之

霍峻傳還葬成都先主甚悼惜親率羣僚臨會弔祭因

宿墓上

初先主時惟法正見諡後主時諸葛亮功德蓋世費禕

荷國之重亦見諡陳祗寵待特加殊獎夏侯霸遠來歸

國故得諡於是關羽張飛馬超龐統黃忠及雲乃追諡

趙雲傳

吳

孫權太子登初葬句容置園邑奉守如法後三年改葬

蔣陵

吳書

雜錄

喪葬令云王及郡公侯之國者薨其國相官屬長史及內史下令長丞尉皆服斬衰居倚廬如夫人服齊衰朝晡詣喪庭臨以喪服視事葬訖除服其非國下令長丞尉及不之國者相內史及令長丞尉其相內史吏皆素服三日哭臨其雖非近官而親在喪庭執事者亦宜制服其相內史及以列侯爲吏令長者無服皆發哀三日

明帝詔縣鄉亭侯既受符策茅土名曰列侯當卒稱薨  
博士張勳等議諸王公大將軍縣亭侯以上有爵土者  
依諸侯皆稱薨關外侯無土銅印當古稱卒千石六百  
石下至二百石皆詣臺拜受與古士受命同依禮稱不  
祿高堂隆議今大中大夫秩千石諫議中散大夫秩皆  
六百石此正天子之大夫而使與二百石同稱不祿非  
禮意也

尙書衛覬奏舊制諸王及列侯薨無少長皆賜諡臣以  
爲諸侯王及王子諸公侯可隨行迹賜諡其列侯始有

功勞可一切賜諡襲封者不賜荀攸以爲自關內侯以下及名號賜爵附庸非諡所及若列侯襲有官位比大夫以上或宿衛忠勤身歿王事皆宜加諡

漢魏賜諡多由封爵雖位通德重先無爵者例不加諡

晉書王導傳

王宮亦言漢魏相承爵非列侯則皆沒其高行

不加之諡至使三事之賢臣不如野戰之將士

劉毅傳

魏初諡宣帝爲文侯景帝爲武侯文帝表不宜與二祖同於是改諡宣文忠武至文王受晉王之號魏帝又命宣文爲宣王忠武爲景王

故漢獻帝嫡孫杜氏鄉侯劉康襲爵假授使者拜授康素服奪情魏尙書議立冠縗經服素以承詔命事訖反喪服王肅以爲諸侯受天子命宜吉服使者出反喪服卽位而哭詔從之

陳思王子志爲濟北王須臾醴畢然後使者出王肅議今京師拜諸侯嗣子無事有臚醴天子賜諸侯大夫冕弁服於太廟歸設奠服賜服可依此使者旣出公猶服命服設奠而告旣告反服卽位而哭從之

魏令官長卒者官吏皆齊衰葬訖除之

晉范汪曰漢魏名臣爲州郡吏

者雖違適不同多爲舊君齊衰三月魏士孫德祖以樂陵太守遷陳留未入境亡司馬芝以爲樂陵吏當爲舊君服劉綽謂宜三年陳留吏未加恩不持重魏略吉茂兄黃從公府掾爲長陵令時禁長吏擅去官而黃聞司徒趙溫夢自以爲故吏違科喪服爲司隸鍾毓所收伏法孫登傳赤烏四年卒謝景時爲豫章太守棄官奔赴拜表自劾權以與太子從事異于他吏使中使慰勞聽復本職

景元元年傳立舉將僕射陳公夢鄭小同云弔服加麻

可也三月除之王肅卒門生衰經者以百數晉書馬隆傳魏兖州刺史令狐愚坐事誅隆以武

吏託稱愚客以私財殯葬服喪三年禮畢乃還魏略脂習除太醫令與孔融親善融誅習獨往哭之黃初中

以習有樂布之節賜拜中散大夫

時制吏遭大喪者百日後皆給役



祖父未葬者不聽服官

晉書慕容儁載記云魏晉之制

漢魏以來王侯皆不臣其父兄故五服內外皆如周之

士禮

晉徐邈議又云魏武在漢朝爲諸侯制而竟不立荀公定新禮亦欲令五等王公旁親絕期摯仲理

以爲今諸侯與古異事不施行者著在魏科又云魏先儒言大夫降其旁親爲士者一等時人行之以爲合禮

按晉志云漢魏故事無五等諸侯之制公卿朝士服喪親疏各如其親則時人亦未行也

吳孫權令諸有居任者遭三年之喪皆須交代犯者定

大辟之科又使代未至不得告告者抵罪其後吳令孟

宗聞喪卽去陸遜陳其素行得減外一等自此遂減

通典

按吳主傳本云減宗一等後不得以爲比因此遂絕也

魏氏東關之役既失尸柩葬禮無期時議以爲禮無終

身之喪制使除服

南史沈  
洙傳

遼東李敏惡公孫度乘舟入海敏子信追求出塞越  
二十年不娶徐邈責之乃娶妻生子胤而遣妻常如  
居喪之禮不勝憂數年卒胤生不識父母及有識疏  
食哀戚亦如三年之喪以祖父不知存亡設主奉之  
嘉平元年魏郡太守鍾毓爲父後以出母無主後迎還  
制服

司徒陳矯本劉氏養於陳

本傳出  
嗣舅氏

及薨劉氏弟子疑所

服王肅曰昔司徒喪母諸儒陳其子無服甚失禮意爲人後者其婦爲舅姑大功婦猶爲夫故父母降一等祖至親也可無服乎子孫宜依本親而降一等

尙書郎武竺有同母異父昆弟之喪以訪王肅肅據子思書曰言氏之子其知禮乎繼父同居服周則子宜大功也

吳陸景少爲祖母所育養及亡爲之心喪三年

文士傳

魏征東長史吳綱亡入吳妻子留中國於吳更娶綱與後妻并子俱還二婦并存袁准以爲綱妻之絕非犯宜

出之罪來還則復初焉得而廢之後妻不害焉得而遣之按並后匹嫡事不兩立前嫡承統後嫡不傳重可也二母之服則無疑於兩三年矣

吳王愍仕魏更娶亦見通典

魏時或爲四孤論曰遇兵饑饉有賣子者有棄溝壑者有生而父母亡復無總麻親必死者有以五日生子俗人忌不舉者有家無兒收養教訓成人禮異姓不爲後欲還本姓可不博士田瓊曰褻姒長養於褻便稱曰褻無常姓也其家若絕嗣可祀於門外

徐幹曰不如立室別祭

有子

可以爲後

王朗是之

軍謀史于達叔曰棄絕天性而戴他族

不爲逆乎鄭伯復爲母子傳以爲善今宜爲子竭力報  
養育之澤若終爲報父在爲母之服立宮祭之畢已之  
年

范式碑云肩嗣网繼青龍三年縣長汝南薛口思紹弈  
世乃與縣之碩儒口同宗口口之冑昭告祖考俾守

厥祀

赫釋

楚國先賢傳韓暨遺言曰方今百姓務農不宜勞役乞  
不令洛陽吏民供設喪具懼國典有常使臣私願不得  
展從詔喪禮所設皆如故事勿有所闕

魏武以天下凋敝下令不得厚葬又禁立碑甘露二年  
大將軍參軍大原王倫卒倫兄俊作表德論以述遺美  
云祇畏王典不得爲銘乃撰錄行事就刊于墓之陰云

爾

宋志

審配與袁譚書曰先公廢紕將軍以續賢兄立我將  
軍弟以爲適嗣先公謂將軍爲兄將軍謂先公爲叔

尙

父先公卽世我將軍斬衰居廬而將軍齋於聖室出

入之分於斯益明

按紹愛少子尙欲以爲後而未顯配等奉尙代紹位譚至不得立此

書所言廢立事皆誣而其時降服之制可因此知之典論亦云矯紹遺命奉尙

建安十年禁厚葬黃初三年制無立寢殿通神通

楊泉曰周衰立寢於墓漢興不改及其末年咸往祭

焉蓋由京師三輔酋豪大姓力强財富婦女贍侈車

兩相追宿止墓下連日厭飫遂以成俗迄於今日

封演

聞見記魏晉以來始有紙錢附

金鑿子今俗家人外輒行課算某日魂當還輒棄外

尸徹哭傾戶走竄謂之躲衰此雖鄙猥絕有所本魏

皇女淑薨陳羣諫曰聞車駕欲幸摩陂實到許昌二

宮上下皆悉俱東或言欲以避衰

今俗云避煞卽此

司馬光曰漢世公卿多建祠堂於墓魏晉以降漸復

廟制

漢晉春秋霍弋聞成都守素服號哭大臨三日

霍峻傳注

襄陽記羅憲聞敗斬稱成都亂者一人百姓乃定得後

主問至乃率所統臨於都亭三日

時吳兵襲巴東憲拒之

軍禮

建安二十一年魏國有司奏古四時講武皆於農隙漢承秦制三時不講惟十月都試今金革未偃士卒素習可無四時講武但以立秋擇吉日大朝車騎號曰閱兵



奏可冬十月治兵王親執金鼓以令進退

延康元年六月辛亥

宋志云立秋

治兵於東郊公卿相儀王

御華蓋視金鼓之節

太和元年十月治兵於東郊

魏故事遣將出征符節郎授節鉞於朝堂跪而推轂

晉書

通典北堂書鈔

大軍當出使太常以特牛一告祠于郊

魏書

古者出征於車載遷廟主及社主以行秦漢魏不載

主也

御覽引摯虞決疑要注

軍還有司以太牢告至策勲於廟

延康元年七月甲午軍次譙大饗六軍

魏書設伎樂百戲水經注云大

饗父老立壇於故宅壇前樹碑題曰大饗之碑

黃初三年十月帝自許昌南征

五年八月爲水軍親御龍舟循蔡潁浮淮幸壽春九月

遂至廣陵

六年三月帝爲舟師東征八月自譙循渦入淮從陸道

幸徐十月幸廣陵故城臨江觀兵

青龍二年七月帝御龍舟東征八月大曜兵饗六軍遣

使持節犒勞合肥壽春諸軍

景初二年步騎發京師

晉書宣帝紀伐遼東

車駕送出西明門及

班師遣使勞軍于薊

正始二年諸軍南征車駕送出津陽門還天子遣侍中

常侍勞軍于苑

四年亦臨送

嘉平三年司馬懿討王淩還帝使侍中韋誕勞軍于五

池

水經渠水注

甘露元年大破蜀將姜維于上邽遣使犒賜將士大會

臨饗飲宴終日

二年諸葛誕舉兵太后與帝親征詔曰今車駕駐項大將軍恭行天罰前臨淮浦昔相國大司馬征討皆與尙書俱行今宜如舊乃令散騎常侍裴秀給事黃門侍郎鍾會與大將軍俱行

司馬昭領兵入見帝幸平樂觀以臨軍過

通鑑

蜀

建興十年教兵講武

亮率衆南征詔賜鈇鉞曲蓋羽葆虎賁

諸葛集

吳

諸葛恪傳權遣尙書僕射薛綜勞軍綜先移恪等曰主  
上思飲至之舊章故遣中臺近官迎致犒賜

校獵附

黃初二年正月甲戌校獵

四年八月辛未校獵于滎陽

水經伊水注大石山魏文帝獵于此虎超乘輿孫禮

拔劍投虎

應瑒校獵賦曰二虞萊野二扈表禽

玉海又文帝有校獵賦

晉書王戎傳年六七歲於宣武場觀戲猛獸戎立不

動魏明帝於閣上見而奇之

賓禮

黃初元年以河內之山陽邑萬戶奉漢帝爲山陽公位在諸侯王上奏事不稱臣受詔不拜以天子車服郊祭天地宗廟臘如漢制行漢正朔京都有事於太廟致胙封四子爲列侯

晉書荀奕傳陳留王位在三公之上坐在天子之右答表曰書賜物曰與晉於

陳留如是魏於山陽宜同

按晉書武帝紀太始二年罷山陽公國督軍除其禁制是魏名雖尊崇而實加禁制也

獻帝傳青龍二年薨明帝變服率羣臣哭之有司奏喪事比諸侯王詔諡公爲漢孝獻皇帝冊贈璽紱禮儀一如漢故事喪葬所供羣官之費皆仰大司農陵曰禪陵置園邑葬日帝制錫衰弁經慟哭立適孫桂氏鄉侯康爲山陽公以通三統永爲魏賓

通典晉王彪之議山陽公薨故事給絹二百匹

宋書零陵王薨車駕三朝率百僚舉哀於朝堂依魏明服山陽公故事

建安二十五年或傳漢帝見害先主發喪制服追諡曰孝愍皇帝

四年賜山陽公夫人湯沐邑公女曼爲長樂郡公主食邑各五百戶

景元元年故漢獻帝夫人節薨帝臨於華林園使使持節追諡爲獻穆皇后及葬車服制度皆如漢氏故事

以漢諸侯王爲崇德侯列侯爲關中侯

按後漢書東海王彊沛王輔東

平王蒼之後皆封崇德侯故漢宗室諸劉不得仕進至晉受禪始除禁錮

曹植宗聖侯碑追二代三恪之禮兼紹宣尼褒成之後

按魏三恪其詳未聞惟通典引晉初劉熹議云衛公署於前代爲二王後於大晉爲三恪應降稱侯知魏以衛公爲周後也



建安三十一年夏代郡烏丸行單于普富盧與其侯王來朝秋匈奴南單于呼廚泉將其名王來朝待以客禮遂留魏使右賢王去卑監其國

黃初二年以孔子二十一代孫議郎羨爲宗聖侯邑百戶奉祀令魯郡修起舊廟置百戶吏卒以守衛之又於其外廣爲室屋以居學者

崔林傳林爲司空魯相上言漢舊立孔子廟褒成侯歲時奉祠辟雍行禮必祭先師王家出穀春秋祭祀今宗聖侯奉嗣未有命祭之禮宜給牲牢長吏奉祀

尊爲貴神制三府議博士傳祇以春秋傳言立在祀  
典則孔子是也宗聖適足繼絕世章盛德耳至于顯  
立言崇明德則宜如魯相所上林議以爲宗聖侯亦  
以王命祀不爲未有命也周武王封黃帝堯舜之後  
及立三恪禹湯之世不列於時復特命他官祭也今  
周公以上達於三皇忽焉不祀而禮經亦存其言今  
獨祀孔子者以世近故也以大夫之後特受無疆之  
祀禮過古帝義踰湯武可謂崇報明德矣無復重祀

于非族也

五禮  
通考

曲阜孔子廟像二弟子執卷侍立

水經注

黃初二年正月校獵至原陵遣使以太牢祠漢世祖

景初二年詔表高祖光武陵四面百步不得使民耕牧

樵採又爲武昭宣明帝置守冢各三百家

文帝集

魏略太祖西征道孟津過宏農王冢疑欲謁顧問左  
右莫對董遇進曰春秋之義國君卽位未踰年而卒  
未成爲君宏農王卽位旣淺又爲暴臣所制降在藩  
服不應謁太祖乃過

仲春社日祀臯陶於廷尉寺

晉志摯虞議故事云云  
新禮孟秋祀于律署

魏太祖遣使以太牢祀橋玄文帝黃初六年行自譙過梁亦遣使以太牢祀之

續漢書魏祖有告涿郡太守祀盧植女亦見藝文類聚又立齊桓公祠見北堂書鈔

黃初二年十月公卿朝朔旦引故漢太尉楊彪待以客禮詔賜公延年杖及馮几謁請日使杖入又可使著鹿

皮冠帝欲以爲太尉辭四年詔拜光祿大夫朝見位次三公門施行馬置吏卒以優崇之

三國會要卷十三

黃巖楊晨纂

禮

嘉禮

冠昏封禪

冊立讀時令

即位耕籍

朝會親蠶

巡幸

輿服

正始四年正月帝加元服

通典按魯襄公冠以冬漢惠帝冠以三月明無定月而後

漢以來帝加元服咸以正月

魏天子冠一加太子再加皇子王公世子乃三加

其說曰士

禮三加加有成也至于天子諸侯無加數之文者將以踐阼臨民尊極德備豈得與士同孫毓以為一加再加皆非禮也司馬彪曰漢帝四冠一緇布二進賢三武弁四通天冠凡四加

禮冠于廟自魏不復在廟冠諸王因漢遣使行事

太子冠作樂

拜王后太子諸侯陪位羣卿上壽

十皇后傳

魏制冊后以皮馬爲庭實加以穀珪

正始四年立后甄氏其儀不存據晉

尚書朱整言魏故事諸侯娶妃加以大璋

按宋志曰王娶妃公主嫁禮用絹百九十匹魏

聘后同又云王者昏禮漢魏遺事闕略者衆則未可遽定

王肅納徵辭云玄纁束帛儷皮雁羊

前漢聘后馬十二匹無用羊之

文鄭玄婚物贊曰羊者祥也然則自漢末始矣

太祖愍嫁娶之奢僭公女適人皆以阜帳從婢不過十

人

傅子南史崔祖思傳

漢魏之禮公主居第尙公主者來第成婚司空王朗  
以爲不可其後乃革

拜三夫人臨軒使使持節兼太常拜九嬪兼御史中丞  
晉泰始十年將聘拜三夫人九嬪有司奏禮皇后聘以  
穀珪無妾媵禮費之制詔曰拜授可依魏氏故事于是  
臨軒使使拜貴人諸營兵皆屯門魏書

王公羣妾見于夫人夫人不答拜晉志言漢魏故事

蜀漢冊立皇后使丞相持節授璽綬

冊立太子

皇太子冊立大會

晉太始三年有司奏依漢魏故事

太子稱臣

通典引漢魏故

事官屬於太子稱臣朝臣咸拜通典在東宮則西面避尊

位也

北齊天保中議者引晉舊事云云邢子才以為東晉依漢魏之舊太子普臣四海不以為嫌何疑于

東而梁天監六年詔曰頃代以來元日朝畢會羣臣則移就西壁下東向坐求之古義王者燕萬國惟應南面何更東面于是御坐南面是以前燕禮御坐東面故避之也

蜀立太子使丞相持節授印綬

卽位 朝會

始卽位班諱朝堂

南齊書任昉議云班諱之典爰自漢世降及有晉歷代無爽

明帝踐阼羣臣或以為宜饗會高堂隆曰唐虞有遏密之哀高宗有不言之思不宜為會帝敬納之



沈文阿嗣君謁廟升殿儀注議叔孫定禮尤失前憲  
奠贄不珪致享無帛公王同壁鴻臚奏賀若此數事  
未聞于古後相沿襲至梁行之今坐正殿止行薦璧

之儀無賀酒之禮詔可

據此是梁以前  
皆獻酒稱賀

高貴鄉公卽位于太極前殿百僚陪位

注使中護軍望  
兼太常河南尹

肅持節與少府寮尚書亮侍中表等奉法駕迎十月己  
丑公至立武館羣臣請舍前殿公以先帝舊處避止西  
廂請以法駕迎不聽庚寅入洛陽羣臣迎拜西掖門南  
公下輿荅拜至止車門下輿步至太極東堂見于太后  
其日卽正元元年論廢立定策功封爵增邑進位班賜  
皇帝位

各有差

甘露元年二月丙辰帝宴羣臣于大極東堂

魏氏春秋

孫休傳恩行丞相事率百僚以乘輿法駕迎于永昌亭  
築宮以武帳爲便殿設御坐己卯休乘輦進羣臣再拜  
稱臣休謙不卽御坐止東廂戶曹尙書前卽階下讚奏  
丞相奉璽符休三讓羣臣三請休曰將相諸侯咸推寡  
人敢不承受羣臣以次奉引休就乘輿百僚陪位絀以  
兵迎拜于道側休下車荅拜卽日御正殿大赦改元

五日視朝

王肅傳上疏可復五日視朝之儀使公卿尙書各以事進魏略游楚封列侯詔特聽朝

引上殿楚短小而大聲被詔登階不知儀式帝令侍中贊引呼隴西太守前楚當言唯而大聲應諾帝顧而笑

遂勞勉之 吳孫亮太平二年臨正殿赦始親政事繼所表奏多見難問

正月旦受朝賀羣臣奉贄後五日乃大宴會作樂 宋志

公卿上殿虎賁六人隨上以斧柄挂衣裾上 御覽引咸和起居注

云魏氏故事通鑑舊儀三公領兵朝見令虎賁執刀挾之操入見汗流浹背自後不復朝請也

冬至日受方國及百僚賀因小會其儀亞於歲旦 晉志臘

日亦朝賀 孫休傳十二月戊辰臘百僚朝賀公卿上殿

王朗表云踐長于至迎始于臘履端于正連歷天人

三朝之元慶無緣奉玉爵以獻萬壽 藝文類聚晉書王渾傳舊三

朝元會計吏詣軒下侍中讀詔計吏跪受

決疑要注古者朝會皆執贄侯伯執圭子男執璧孤  
執皮帛卿執羔大夫執雁士執雉漢魏粗依其制正  
旦大會諸侯執玉璧薦以鹿皮公卿以下所執如古

禮續漢志注

魏武帝都鄴正會文昌殿用漢儀又設百華燈

晉志

文帝受禪後修洛陽宮室權都許昌宮殿狹小元日於  
城南立氈殿青帷爲門設樂饗會後還洛依漢舊事

通志

宋志魏國初建事多兼闕故黃初三年始奉璧朝賀  
何承天云魏元會儀無存者按何禎許都賦云元正

大饗壇彼西南旗幕峨峨檐宇宏深王沈正會賦曰  
華幄映于飛雲朱幕張于前庭絢青帷于兩階象紫  
極之崢嶸延百辟于和門等尊卑而奉璋玉海引又云曜五旗  
于東序表雄虹而爲旌備六代之象舞釐簫韶于九庭此則大饗悉在城外不

在宮內也按王朗奏事曰故事正月朔賀殿下設兩  
百華鐙樹於兩階之間端門之內設庭燎火炬端門  
外設五尺高鐙月照星明雖夜猶晝如此則不在城  
外也何王二賦本不在洛京何云許都賦時在許昌  
王賦云朝四國于東巡亦賦許昌正會也

玉燭寶典引魏名臣

奏略  
同

魏大饗碑既登高壇蔭九曾之華蓋處流蘇之幄坐

瞽師設縣金奏讚樂六變既畢乃陳祕戲瓊變屈出

異巧神化

御覽引典略云正月朝造巨獸魚龍曼延弄馬倒騎如西京故事又云作司南車水

轉百戲南齊書樂志角抵像形雜伎漢世張衡西京賦是其始也魏世則見陳思王樂府宴樂篇

明帝青龍二年詔下司空征南將軍帶金紫都督使位

高任重近者正朝乃與卿校同執羔非也自今以後從

公特進應奉璧者如故事

通典傳咸集云特進品第二初執皮帛坐侍臣下執璧

已有  
舊制

高堂隆議按周禮公執桓圭公謂上公九命分陝而  
理及二王後今大司馬公大將軍實分征東西可謂  
上公矣山陽公衛公則二王後也侯執信圭謂地方  
四百里伯執躬圭謂地方三百里皆七命也今郡王  
戶數多者可如侯少者可如伯子執穀璧謂地方二  
百里男執蒲璧謂地方百里皆五命也今縣王戶數  
多者可如子少者可如男上公禮其率諸侯以朝則  
執桓圭自非朝宗則如八命之公與王論道有事而  
進則執璧今二王後諸王若入朝覲二公率以進退

則執桓圭其朝王則與羣公執璧按周禮王宮唯公  
執璧漢大將軍驃騎車騎衛將軍開府辟召僚屬與  
公同儀則執璧可也孤皮帛卿羔孤謂天子七命之  
孤與大國四命之孤副公與王論道尊於六卿其執  
贄以虎皮表束帛今九卿之列太常光祿勳衛尉尊  
於六卿其執贄如孤也其朝王執皮帛可也三府長  
史亦公之副雖有似於孤實卑於卿中大夫之禮可  
也公之孤覲聘於天子及見於其君其贄以豹皮表  
束帛今未有其官意謂山陽公之上卿可以當之卿



謂六官六命之卿及諸侯三命再命之卿也今六卿  
及永壽永安長秋城門五校皆執羔可也諸侯之卿  
自於其君亦如之天子卿大夫飾羔雁以績諸侯卿  
大夫飾羔雁以布州牧郡守以功德賜勞秩比中二  
千石者其朝覲宜依卿執羔金紫將軍秩中二千石  
與卿同大夫執雁謂天子中下大夫四命及諸侯再  
命一命之大夫也其位卑於卿今王府長史及五二  
千石之著者也博士儒官歷代禮服從大夫如前執  
雁可也州牧郡守未賜者宜依大夫執雁皆飾以績

諸縣千石六百石令古大夫若或會覲宜執雁飾以布士執雉謂天子三命之士及諸侯一命再命之士也府史以下至於比長庶人在官亦謂之士諸縣四百石三百石長從士禮執雁可也通典

巡幸

摯虞新禮議云魏氏無巡狩故事

黃初二年十二月行東巡三年正月行幸許昌宮三月

行幸襄邑四月行還許昌

水經注苦縣老子廟有雙石闕黃初三年經譙所勒

十一月行幸宛

魏略車駕南巡未到宛有詔百官不得干預郡縣及到而宛令不解詔旨閉市

門帝忿收宛令及太守

四年正月築南巡臺于宛三月自宛行還

洛陽宮九月行幸許昌宮五年三月還洛陽宮七月東  
巡幸許昌八月幸壽春九月至廣陵六年三月行幸召  
陵辛未東征五月幸譙八月幸徐九月築東巡臺十月  
幸廣陵故城七年正月還洛陽宮

太和二年正月行幸長安四年八月行東巡遣使者以  
特牛祠中岳

魏書行過縣昌使執金吾霸  
行太尉事以特牛祠受禪壇

幸許昌宮十

月還洛陽六年三月行東巡四月幸許昌宮九月行幸  
摩陂十二月還許昌青龍元年二月幸摩陂觀龍於是  
改年三年十一月行幸許昌宮四年十月還洛陽十二

月復幸許昌

咸熙元年正月行幸長安使使者以璧幣祀華山

王朗傳時帝頗出游獵或昏夜還宮朗上疏曰夫帝  
王之居外則飾周衛內則重禁門將行則設兵而後  
出幄稱警而後踐墀張弧而後登輿清道而後奉引  
遮列而後轉轂靜室而後息駕皆所以顯至尊務戒  
愼垂法教也

通鑑注魏儀  
衛有夾轂隊

蜀建興十四年至湔登觀阪看汶水之流旬日還成都

封禪

魏明帝時蔣濟請封禪使高堂隆草其儀以天下未一不欲便行大禮會隆卒竟止

吳孫皓天璽元年遣兼司徒董朝兼太常周處

按碑作大司空

朝無處名

至陽羨縣封禪國山明年改元

天紀

大赦以協石文

吳興陽羨山有空石長十餘丈名曰石室在所表爲符瑞

碑云按典繇宜先行禪禮紀勒天命遂於吳興國山

之陰告祭刊石以對揚乾命廣報坤德

雲麓漫鈔國山碑攷王鳴

盛曰按碑是八月禪

改制時令

魏土德文帝以建寅月爲正

初踐阼議改正朔以辛毗言而止

服尙黃

臘以丑牲以白節毛尙赤節幡尙黃郊祀朝會四時之

服宜如漢制

宋志文帝詔云四時季月服黃十八日

宗廟所服如周禮明

帝青龍五年三月用博士秦靜等議改爲景初元年孟

夏四月以建丑月爲正服色尙黃犧牲用白戎事乘黑

首白馬建大赤之旗朝會建大白之旗改太和麻曰景

初麻其春夏秋冬孟仲季月雖與正歲不同至於郊祀

迎氣祈祠烝嘗巡狩蒐田分至啟閉班宣時令中氣早

晚敬授民事皆以正月斗建爲節又詔曰今祭皇皇帝

天皇皇后地天地郊明堂宗廟牲皆用白其祭五郊各隨方色祭日月星辰之類用騂社稷山川之屬用玄三年正月帝崩齊王立詔曰明皇帝以正日棄天下永惟忌日之哀其復用夏正以建寅之月爲正始元年正月以建丑月爲後十二月

漢儀太史每歲先立春立夏大暑立秋立冬嘗讀五時令皇帝服各隨五時之色魏氏但讀四時令至服黃時獨闕高堂隆以爲黃於五行中央土也土王四季各十八日土生於火故於火用事之末服黃三季則否其令

隨四時不以五行爲令也是以服黃無令斯則魏不讀

大暑令也

晉志

耕籍

魏太和元年二月帝耕籍田

五年正月耕籍田

按御覽引

繆襲賦六年春亦親耕

晉書魏之三祖皆親耕籍田

魏武紀建安十九年二十一年俱親耕于鄴東

文紀無攷據御覽引曹植頌當是文帝時作

而藩鎮諸侯闕百畝之禮

按

襲許昌宮賦曰太和六年春上既躬耕帝籍發趾於千畝以帥先萬國乃命羣牧守相述職班教順陽宣化蒸黎允示訓德歌功觀事樂業曹植藉田頌曰春耕於籍田郎中令侍寡人是魏郡國亦嘗行之矣



宋志曰其禮無異聞宜從漢儀執事告祠以太牢

耕籍乘木輅

通考宋詳定所言舊禮魏晉云云

蜀籍田

太平寰宇記武陽牧馬川昭烈于此置籍田

親蠶

黃初七年皇后蠶于北郊

漢時于東郊按初學記引韋誕親蠶頌云皇英參乘塗山

奉輿總姜任于後陳載樊衛于貳車登崇壇以正位觀休氣于朝陽步雕輦而下降采六條于公桑

按晉志云皇后著十二笄步搖依漢魏故事衣青衣

乘油畫雲母安車駕六騄馬女尚書著貂蟬佩璽陪

乘載筐鉤公主三夫人九嬪世婦諸太妃太夫人及

縣鄉君公侯特進夫人外世婦命婦皆步搖衣青各

載筐鉤從蠶

宋志晉氏先蠶多采魏法唯于西郊不同

又按隋志吳韋昭

制西蠶頌則孫氏亦有其禮或于西郊耳

晉志魏以來皇后蠶

服皆以文繡非古義也

### 輿服

魏武王受漢獻帝命乘金根車駕六馬設五時副車至

明帝景初中山荏縣黃龍見以爲魏得地統服色尙黃

戎事乘黑首白馬建大赤之旗

通志秦改周輅制爲金根通以金薄周匝四面

漢魏二晉因循莫改魏文帝集以孔雀尾爲金根車蓋

魏時天子駕六太子及諸侯王駕四

宋志

魏因漢制五時副車置髦頭雲罕

宋志魏命晉王建天子旌旗置旄頭雲罕

雲罕宜是畢網本施游獵遂為行飾後漢書注引魏文帝列異傳秦文時梓化為牛以騎擊之或墮地被髮牛畏之入水因置旄頭騎使先驅

按漢制大駕屬車八十一乘法駕三十六乘小駕減

半晉鹵簿先象車次有五路玉海引宋庠云漢魏有

大駕小駕之儀其詳無攷

春秋正義服虔云纓如索帶今乘輿大駕有之然則

漢魏以來大駕之馬膺有索帶是纓之遺象也

漢制耕根車有三蓋

一日三蓋車

置耨耒耜之箠上親耕所

乘也魏因之建赤旗

通志桓譚新論皆玄黃五色飾以金玉翠羽珠絡錦繡茵席者也

獵車駕四馬天子校獵所乘一名闐戟車一名蹋豬車

魏文帝改名蹋獸車

晉書按通志作蹋武車獸字武字皆唐人避虎字諱改也

傅子曰天子出多乘輿車

北堂書鈔

雲母車以雲母飾時賜王公

御覽

輦白漢以來為人君之乘御小出即乘之

宋志魏晉御小出常乘馬

亦多乘輿車輿車今之小車

犢車駟車之流也漢諸侯貧者乘之後轉見貴孫權云

車中八牛即犢車也

宋志通考犢車魏武賜楊彪七香車也駕牛

漢貴輜輶而賤輶車魏重輶車而賤輜輶

三品將軍以上尚書令輶

車黑耳有後戶僕射但有後戶無耳並阜輪也傳子云漢世賤輶車而今貴之又云輶車卽輦也

高貴鄉公給司馬望追鋒車晉志云去小平蓋加通幟

如輶車駕二馬

北堂書鈔太祖與彪以四望通幟畫輪七香車

黃帝作指南車後漢張衡復造喪亂不存魏明帝青龍中令博士馬鈞紹而作焉車上有木仙人舉手常指南

車箱迴轉所指微差

通志補馬鈞傳

魏武帝問東平王有金路何意爲是特賜非侍中鄭稱對曰天子有五路金以封同姓諸侯得乘金路與天子

同此自得非特賜也

續漢志注通志作文帝

漢皇太子皇子皆安車朱班輪飛輪青蓋

皇子為王賜以乘之故曰

王青蓋車

金華蚤文畫轡金塗五末旂九旂畫降龍皇孫綠

車以從皆左右駢駕三馬

名皇孫車

魏因之

通志晉因魏非法駕則乘畫輪

車

按吳孫皓時有青蓋入洛之謠又孫賁傳云若天下

一統青蓋北巡

阮瑀詩青蓋巡九州

是乘輿亦用青蓋

江表傳周泰賜

所用青纛蓋

又有曲蓋孫皓傳取孫和陵上鼓吹曲蓋

孫峻

傳注留贊不能陣解曲蓋印綬

唐書開成末定制宰相三公師保尚書令僕射諸司

長官許乘檐子如漢魏載輿步輿

唐會要作準載步輿

之制

後漢明帝採周官禮記尚書及諸儒說備袞冕之服

天子

冕服從歐陽氏說公卿以下從夏侯氏說自秦變古制郊祭之服皆以衾立漢承秦故二百餘年未有所制通典云光武郊祀始用冕服按續漢志其說蓋非蜀用漢制冕服當同

冕衣裳皆玄上纁下五冕之制一服而已天子備十二

章三公諸侯用山龍九章九卿以下用華蟲七章皆具

五采魏明帝以公卿袞衣黼黻之飾疑於至尊多所減

損始制天子服刺繡文公卿用織成文

通志按續漢志孝明帝制冕服

乘輿刺繡文公卿以下織成文  
據晉志云魏明帝未詳孰是

宋志自魏以來宗廟行禮之外不欲令臣下服袞冕  
故位公者每加侍官

梁博士陸瑋等言王祀昊天服大裘明諸臣禮不得  
同自魏以來皆用袞服

漢制一歲五郊天子與執事者所服各如方色百官  
不執事者服常服絳衣以從魏祕書監秦靜曰漢氏  
承秦改六冕之制但玄冠絳衣而已魏以來名爲五  
時朝服又有四時朝服又有朝服自皇太子以下隨



官受給百官雖給五時朝服據令止給四時朝服闕

秋服三年一易

晉志

諸王朝服皆遠游冠五時服佩山玄玉不以國大小爲

差

通典晉孫毓稱魏故事按曹植疏言辭遠游戴武弁解朱組佩青紱又言上慙玄冕俯愧朱紱

宋志司馬彪曰尙書幘名曰納言迎氣五郊各如其

色從章服也自茲相承迄於有晉隋志裴正奏言續

漢志立春日京都皆著青衣秋夏悉如其色魏晉迎

氣五郊行禮之人皆同此制考尋故事唯幘同衣色

後漢以來天子冕前後旒用眞白玉珠魏明帝好婦人

之飾改用珊瑚珠

漢官儀云乘輿冠高山之冠飛翮之纓傅子曰魏明帝

以其制似通天遠游改令卑下行人使者服之

按續漢志通天

冠高九寸正豎頂少邪却乃直下為鐵卷梁前有山展

筓為述乘輿所常服遠游冠制如通天無山述諸王所

服也高山冠一名側注制如通天不邪却直豎無山述

展筓中外官謁者僕射所服劉昭引漢舊儀言亦通於

天子侍臣附蟬武臣戴鵠  
見曹植集大觀本草引魏武鵠

今人以鵠為冠像此也  
通鑑注晉因魏制文官公及位從公冠進賢三梁黑  
介幘武官公及位從公皆武冠平上黑幘

漢末王公名士多委玉服以幅巾爲雅

袁紹崔鉞之徒雖爲將帥皆著

練巾魏武以天下凶荒資財匱乏擬古皮弁裁練帛以爲

幅以色別其貴賤本施軍飾非爲國容

徐爰曰俗說幅本未有歧荀文

若巾之觸樹成歧人謂爲善因而弗改今通以爲慶弔服幅與帟同宋志作帙廣韻帟士服如弁缺四角魏武

帝製

傅子云白紗爲之或單或袂初婚冠送餞亦服之博

物志漢中興士人皆冠葛巾漢安中魏武帝造白帟

於是遂廢惟二學書生猶著之崔豹古今注魏武制

帙初以軍中服之輕便又作五色帙以表方面也

馬縞中華古今注大帽子本草野之服魏文帝詔百

官常以立冬日貴賤通戴謂之溫帽

通鑑注漢魏士庶以巾襦爲禮服

吳書虞翻請被襦葛巾相見

宋志漢承秦制冠有十三種魏晉以來不盡施用

袴褶之制未詳所起近世凡車駕親戎中外戎嚴服

之服無定色冠黑帽綴紫標

標以緇爲之長四寸廣一寸中官紫標外官絳

標又有戎服而不綴標江表傳呂範釋襦著袴褶執鞭自稱領都督

魏臺訪議曰五采玉一玉有五色者也邸以象骨周

緣弁下根柢如魏武帝所作弁柢凡有笄無纓

初學記

魏文帝集與劉曄書曰帽裁兩段製微不長有似里父之服

管甯傳嘗著阜帽

陸遜傳孫權脫翠帽賜之

張津好鬼神事常著絳帕頭

楊阜傳常見明帝著繡褶縹綾半褰阜問帝曰此於禮何法服也自是不法服不以見阜

魏皇后蠶服以文繡

據晉志元康六年詔改純青服晉先蠶儀注十二鎮步搖

按後漢及晉皇后謁廟服紺上阜下蠶青上紺下

董巴

與服志作縹下皆深衣制隱領袖緣以條

魏制貴人夫人以下助蠶皆大首髻

按續漢志作大七手結卽假髻

鑲蔽髻黑玳瑁又加簪珥九嬪以下五鑲世婦三鑲諸

王如長公主大首髻七鑲蔽髻其長公主得有步搖皆

有簪珥公特進列侯卿校中二千石世婦以下夫人紺

繒繡黃金龍首銜白珠魚須撻一尺爲簪珥

通典按通典所言魏

制多據晉志此文亦見晉志未言魏制惟董巴輿服志云公卿列侯二千石夫人助蠶縹絹上下又通典不載皇后首飾據續漢志晉志云皇后假髻步搖簪珥步搖以黃金爲山題貫白珠爲桂枝相繆八爵九華熊虎赤羅天鹿辟邪南山豐大特六獸諸爵獸以翡翠爲毛羽金題白珠瑤繞以翡翠爲華則魏制亦可想見矣

魏臺訪議以玉爲笄古曰笄今日簪文選注

古者天子至於士皇后至於命婦必佩玉尊卑各有其制上下施韍如蔽膝貴賤亦各有殊五霸之後戰兵不息於是解去佩韍留其繫璲而已秦乃以采組連結於璲轉相結受謂之綬漢承用之至明帝始復制佩漢末又亡絕魏王粲識其形乃復造焉宋志今之佩粲所制也皇后至命婦所佩古制不存今與外同制組綬仍施通考引秦靜曰諸假印綬而官不給鞶囊者得自具作其但假印不假綬者不得佩綬鞶

隋志按禮天子佩白玉今參用杜夔之法天子白玉

太子瑜王王山玄王自公以下皆水蒼王

魏武爲魏公位在諸侯王上改授金璽赤紱司馬昭

爲相國加綠綬

按漢諸侯王金璽綬綬公侯金印紫綬九卿至二千石銀印青綬文

選注引魏晉官品曰相國丞相綠綬綬吳書孫權賜薛綜紫綬囊綜陳謝紫色非所宜服時爲太子太傅

陸遜破曹休孫權解御金帶賜之魏文帝賜劉楨廊落帶漢書匈奴傳注鮮卑郭落帶瑞獸名也

關羽圍樊襄陽男子張嘉王休獻王璽璽潛漢水神光

先見明大王承其下流

按漢帝有六璽此不知是何文後魏衛瓘於成都獲璧玉印各

一印文似成信字宣示百官藏於相國府孫盛曰公孫述起成都號曰成二王殆述所作

吳無刻玉工以金爲璽孫皓送金璽六枚是也又有麟



鳳龜龍璽駝馬鴨頭雜印

通志

續漢志注孫堅北討董卓頓軍南城官署中有井每旦有五色氣從井出堅使人浚得傳國璽其文曰受命於天既壽永昌方圍四寸上有紐文槃五龍璿七

寸管上一角缺

裴松之疑無其事韋曜吳書略同孫權以歸魏文帝赫刻肩際曰大魏受

漢傳國之寶見遼史儀衛志按太平真君七年鄴城得玉璽二其文皆曰受命於天既壽永昌其一刻其肩曰魏所受漢傳國璽冊府言孫堅授袁術術敗歸漢獻帝起居注則言術死後徐璆得璽致之漢朝獻帝禪魏則非孫權所獻遼史之言無據又唐六典云神寶方六寸文與秦璽同不知何代造晉孝武十九年郗恢所上朝野雜記言魏氏刻璽如秦之文但秦璽讀自右魏璽讀自左疑魏別自刻璽即所謂神寶

是也

魏諸官印各以官爲名印如漢法斷二千石者章

漢比二千

石以上文曰章六百石至二百石文曰印見漢舊儀南史孔琳之傳古者傳國之璽及襲封之印皆奕世傳用無取改作今世惟尉之職獨用一印內外羣臣每遷悉改又許允爲鎮北將軍以印不善更刻者三是魏世官印亦改刻也

漢律使節稱漢魏使節及二千石諸竹使符皆稱魏金虎符第一至第五竹使符第一至第十

黃初元年更授匈奴南單于呼廚泉魏璽綬賜青蓋車乘輿寶劍玉玦

與外國節皆二赤旄一黑旄一異於朝節

御覽引漢魏故事

幡崔豹古今注曰魏有五色以詔四方東方郡國以青

龍幡南方郡國以朱鳥幡西方郡國以白虎幡北方郡

國以元武幡朝廷畿內以黃龍幡亦以騏驎幡

按通典引傅子

云魏節幡用黃高貴鄉公討司馬昭自秉黃龍幡

雉尾扇漢乘輿服之後賜梁孝王魏晉以來以為常准

諸王皆得用之五明扇舜所作漢士大夫皆用之魏晉

非乘輿不得用

古今注

詔版

曹爽傳注

程大昌曰魏晉授官有版長一尺二寸厚一

寸闊七寸辭在版上

按夏侯元傳言尺一詔書則當一尺一寸又劉放傳以黃紙授放作

詔晉書文帝紀有黃素詔素即絹是亦有以紙絹書者

封氏聞見記魏武奏事有急露版插羽

郝懿行曰齊

王謀殺司馬師已書詔優人唱曰青頭雞青頭雞者鴨也使帝押詔書也

春秋正義按

表章魏晉儀注寫表章別起行頭者謂之跳出

景元元年詔曰凡詔命制書奏事上書諸稱燕王可皆上平是亦跳行今所謂平擡也

笏仲長子曰笏以書君教令記善刺過今之手版以象焉徐廣車服儀制曰古者貴賤皆執笏即今手版也蜀志秦宓見太守以簿擊頰笏與簿手版之異名

魚袋古之算袋以韋爲之至魏易爲龜袋

始文帝以龜

袋取先知歸順之義

通考引  
炙穀子

蔽膝禮書曰天子赤皮蔽膝魏晉以來用絳紗爲之

徐引

廣車服

儀制

太子劔履上殿

晉書慕容儁載記

申肩上演漢以蕭曹之功有

殊羣辟故劔履上殿入朝不趨至於東宮體此爲儀魏

晉因循制不納舄

禮書云漢魏以後朝祭皆跣鞮初學記引輿服雜事曰漢諸臣殿階解劔

晉始以木

絳繡始於秦漢迄今相仍朔望正旦乃具衮舄

曹植七啟金華

之舄勤趾遺光

夏侯玄傳今自公列侯以下位從大將軍以上皆得服綾錦羅綺紈素金銀飾鏤之物自是以下雜綵之服通於賤人雖上下等級各示有差然朝臣之制已得侔至尊矣玄黃之采已得通於下矣

太祖雅性節儉後宮衣不錦繡侍御履不二采

世語植妻

衣繡太祖登臺見之以違制命還家賜死

魏武與楊彪書遺織成鞞一量

實錄云三代以來有角襪前後兩隻相成中心繫帶

魏文帝吳妃乃裁綾羅爲之

說郛引宋劉存事始又炙鞞子